



Broj: 2-78/24
SARAJEVO, 23.09.2024. godine

PREDMET: Stipendiranje putem otkupa stolnih kalendara „Safet Zec: Put majstorstva“,-

Uvažena/i,

pozivamo Vas da, otkupom stolnih kalendara - „Safet Zec: Put majstorstva“ učestvujete u stipendiranju djece i mladih iz porodica ratnih vojnih invalida i demobilisanih boraca, talentovane djece i mladih, djece i mladih sa invaliditetom, djece i mladih romske i drugih nacionalnih manjina, kao i onih u stanju socijalne potrebe u školskoj 2024/2025. godini. To bi bio prigodan poklon Vašim poslovnim partnerima i radnom osoblju u kompaniji/instituciji/ustanovi koju vodite.

Udruženje „Obrazovanje gradi Bosnu i Hercegovinu – Jovan Divjak“, u cilju prikupljanja sredstava za stipendiranje djece i mladih, odštamalo je stolne kalendare (format 21x14,5 cm) čijom prodajom ima za cilj da obezbijedi 30 stipendija. U saradnji sa Fondacijom „Ivanka i Safet Zec“, kalendar za 2025. godinu će krasiti fotografije i slike iz dokumentarnog, biografskog filma „Safet Zec: Put majstorstva“ koji je produciran povodom obilježavanja 80. rođendana svjetski renomiranog umjetnika. Pored 12 fotografija i reprodukcija slika, u kalendaru se nalaze informacije o dokumentarnom filmu, te informacije o radu Udruženja (na bosanskom i engleskom jeziku). Kalendar možete pogledati i na našoj web stranici www.ogbh.com.ba. Cijena jednog stolnog kalendara iznosi 6,50 KM (5,556 KM bez uključenog PDV-a).

Vjerujemo kako Vam je poznato da Udruženje „Obrazovanje gradi Bosnu i Hercegovinu - Jovan Divjak“ od 1994. godine kao nevladina, neprofitna i nestranačka organizacija ostvaruje misiju - djeca žrtava rata-naša trajna briga, te pruža moralnu i materijalnu podršku učenicima i studentima da, putem kvalitetnog i potpunog obrazovanja, postanu korisni članovi BH društva.

U trideset godina rada Udruženje je pružilo moralnu i materijalnu podršku za **61.729 korisnika** (djeca, mladi i njihove porodice) u vrijednosti većoj od **13,6 miliona KM**, od čega je **8.415 godišnjih stipendija** u vrijednosti većoj od **7,6 miliona KM**. Toj populaciji podijelili smo i školski pribor, sportsku opremu, odjeću, obuču, hranu i pružili psihosocijalnu podršku u vrijednosti od **5,5 miliona KM**. Dvadeset i četiri škole širom Bosne i Hercegovine podržali smo školskom i sportskom opremom ukupne vrijednosti **422.000 KM**.

Uvažena/i, pozivamo Vas da:

- otkupite određen broj stolnih kalendara „Safet Zec: Put majstorstva“;
- lobirate kod partnera da otkupe odgovarajući broj stolnih kalendara i na taj način učestvuju u stipendiranju djece i mladih u Bosni i Hercegovini.

Ukoliko se odlučite za otkup više od 50 stolnih kalendara, na podložnom listu (prostor za reklamu 21x3 cm) možemo štampati podatke o Vašoj kompaniji/instituciji/ustanovi (logo, adresa, telefon). Tada pojedinačna cijena kalendara iznosi 7,00 KM (5,983 KM bez uključenog PDV-a).

Poštovana/i, u očekivanju pozitivnog odgovora, unaprijed Vam se zahvaljujem u ime Udruženja „Obrazovanje gradi Bosnu i Hercegovinu – Jovan Divjak“ i osobno ime, te Vam upućujem želje za dalje uspjehe na profesionalnom planu, dobro zdravlje i ličnu sreću.

S poštovanjem,



ZVRŠNI DIREKTOR

Edin Bećarević